

Богослужения мирянским чином

Служба на Святую Пасху

Пасхальная обедница

Старший:

Молитвами святых отец наших, Господи Иисусе Христе, помилуй нас.

Братия:

Аминь.

И старший поет (Трижды):

Христос воскресе из мертвых, смертью смерть поправ, и сущим во гробех живот даровав.

Братия повторяют:

Христос воскресе из мертвых, смертью смерть поправ, и сущим во гробех живот даровав.

(Трижды)

Старший:

Да воскреснет Бог и расточатся врази Его: и да бежат от лица Его ненавидящие Его.

Братия:

Христос воскресе из мертвых, смертью смерть поправ, и сущим во гробех живот даровав.

Старший:

Яко исчезает дым да исчезнут, яко тает воск от лица огня.

Братия:

Христос воскресе из мертвых, смертию смерть поправ, и сущим во гробех живот даровав.

Старший:

Тако да погибнут грешницы от лица Божия, а праведницы да возвеселятся.

Братия:

Христос воскресе из мертвых, смертию смерть поправ, и сущим во гробех живот даровав.

Старший:

Сей день, егоже сотвори Господь, возрадуемся и возвеселимся вонь.

Братия:

Христос воскресе из мертвых, смертию смерть поправ, и сущим во гробех живот даровав.

Старший:

Слава Отцу и Сыну и Святому Духу

Братия:

Христос воскресе из мертвых, смертию смерть поправ, и сущим во гробех живот даровав.

Старший:

И ныне и присно и во веки веков. Аминь.

Братия:

Христос воскресе из мертвых, смертью смерть поправ, и сущим во гробех живот даровав.

Старший поет высшим гласом:

Христос воскресе из мертвых, смертью смерть поправ.

Братия:

И сущим во гробех живот даровав.

Братия:

Господи помилуй. (12 раз) - вместо Великой Ектении

Старший:

Слава Отцу и Сыну и Святому Духу, и ныне и присно и во веки веков.

Братия:

Аминь.

Антифоны Пасхи

Стихи читает старший

Припев поет братия

Антифон 1-й, псалом 65, глас 2-й.

Стих 1-й:

Воскликните Господеву вся земля.

Припев:

Молитвами Богородицы, Спасе спаси нас.

Стих:

Воскликните Господеву вся земля, пойте же имени Его, дадите славу хвале Его.

Припев:

Молитвами Богородицы, Спасе спаси нас.

Стих 2-й:

Рците Богу: коль страшна дела Твоя, во множестве силы Твоя солжут Тебе враги Твои.

Припев:

Молитвами Богородицы, Спасе спаси нас.

Стих 3-й:

Вся земля да поклонится Тебе, и поет Тебе, да поет же имени Твоему вышний.

Припев:

Молитвами Богородицы, Спасе, спаси нас.

Слава Отцу и Сыну и Святому Духу, и ныне и присно и во веки веков, аминь:

Молитвами Богородицы, Спасе спаси нас.

Братия:

Христос воскрес из мертвых, смертию смерть поправ, и сущим во гробех живот даровав.

(Трижды) - вместо малой ектиньи

Антифон 2-й, псалом 66-й, глас 2-й:

Стих 1-й:

Боже ущедри ны и благослови ны.

Припев:

Спаси ны Сыне Божий, воскресый из мертвых, поющия Ти: аллилуиа **(один раз)**.

Стих:

Боже, ущедри ны, и благослови ны, просвети лице Твое на ны, и помилуй ны.

Припев:

Спаси ны Сыне Божий, воскресый из мертвых, поющия Ти: аллилуиа.

Стих 2-й:

Да познаем на земли путь Твой, во всех языцех спасение Твое.

Припев:

Спаси ны, Сыне Божий, воскресый из мертвых,
поющия Ти: аллилуиа.

Стих 3-й:

Да исповедятся Тебе людие Боже, да исповедятся
Тебе людие вси.

Припев:

Спаси ны, Сыне Божий, воскресый из мертвых,
поющия Ти: аллилуиа.

Слава Отцу и Сыну и Святому Духу, и ныне и присно
и во веки веков, аминь.

Единородный Сыне, и Слове Божий, безсмертен
Сый, и изволивый спасения нашего ради
воплотиться от святыя Богородицы и Приснодевы
Марии, непреложно вочеловечивыйся, распныйся
же Христе Боже, смертию смерть поправ, Един сый
Святыя Троицы, прославляемый Отцу и Святому
Духу, спаси нас.

Братия:

*Христос воскрес из мертвых, смертию смерть
поправ, и сущим во гробех живот даровав.*

(Трижды)

Антифон 3-й, псалом 67, глас 5-й.

Стих 1-й:

Да воскреснет Бог, и расточатся врази Его.

Братия:

Христос воскрес из мертвых, смертию смерть поправ, и сущим во гробех живот даровав.

Стих:

Да воскреснет Бог, и расточатся врази Его, и да бежат от лица Его ненавидящие Его.

Братия:

Христос воскрес из мертвых, смертию смерть поправ, и сущим во гробех живот даровав.

Стих 2-й:

Яко исчезает дым, да исчезнут, яко тает воск от лица огня.

Братия:

Христос воскрес из мертвых, смертию смерть поправ, и сущим во гробех живот даровав.

Стих 3-й:

Тако да погибнут грешницы от лица Божия, а

праведницы да возвеселятся, да возрадуются пред Богом.

Братия:

Христос воскресе из мертвых, смертию смерть поправ, и сущим во гробех живот даровав.

Старший восклицает входное:

В церквах благословите Бога, Господа от источников израилевых.

Братия:

Христос воскресе из мертвых, смертию смерть поправ, и сущим во гробех живот даровав.

Ипакои:

Предварившия утро яже о Марии, и обретшия камень отвален от гроба, слышаху от ангела: во свете присносущнем Сущаго, с мертвыми что ищите яко человека? Видите гробныя пелены, тецйте и миру проповедите, яко воста Господь, умертвивый смерть, яко есть Сын Бога, спасающаго род человеческий.

Слава Отцу и Сыну и Святому Духу, и ныне и присно и во веки веков, аминь.

Кондак:

Аще и во гроб снизшел еси, Безсмертне, но адову разрушил еси силу, и воскресл еси яко победитель,

Христе Боже, женам мироносицам вещавый:
радуйтесь, и Твоим апостолом мир даруяй, падшим
подаяй воскресение.

Елицы во Христа крестистесь, во Христа
облекостесь, аллилуиа.

(Трижды)

Повторяем:

Елицы во Христа крестистесь.

Завершаем:

Во Христа облекостесь, аллилуиа.

Повторяем полностью:

Елицы во Христа крестистесь, во Христа
облекостесь, аллилуиа.

Старший: Прокимен, глас 8-й:

Сей день егоже сотвори, Господь, возрадуемся и
возвеселимся вонь.

Братия поют:

Сей день егоже сотвори, Господь, возрадуемся и
возвеселимся вонь.

Старший (читает стих):

Исповедайтесь Господеви, яко благ, яко в век
милость Его.

Братия:

Сей день егоже сотвори, Господь, возрадуемся и
возвеселимся вонь.

Старший:

Сей день егоже сотвори, Господь.

Братия:

Возрадуемся и возвеселимся вонь.

Старший:

Деяний святых апостол чтение.

И читает зачало 1-е:

*Первое убо слово сотвори о всех, о, Феофиле, яже
начат Иисус творити же и учити
Даже до дне, в оньже, заповедав Апостолом Духом
Святым, ихже избра, вознесся:*

*Пред нимиже и постави Себе жива по страдании
Своем во мнозех истинных знамениих, денми
четыредесятьми являясь им и глаголя яже о
Царствии Божию:*

*С нимиже и ядый повеле им от Иерусалима не
отлучатися, но ждати обетования Отца, еже
слышасте от Мене:*

*Яко Иоанн убо крестил есть водою, вы же имате
креститися Духом Святым не по мнозех сих днех.*

*Они же убо сошедшеся вопрошаху Его, глаголюще:
Господи, аще в лето сие устрояеши царствие
Израилево?*

*Рече же к ним: несть ваше разумети времена и
лета, яже Отец положи во Своей власти:*

*Но примете силу, нашедшу Святому Духу на вы, и
будете Ми свидетелие во Иерусалиме же и во всей
Иудеи и Самарии и даже до последних земли.*

Старший:

Аллилуиа, глас 4-й.

Братия поют:

Аллилуиа.

(Трижды)

Старший (читает стих):

Ты воскрес ущедриши Сиона.

Братия:

Аллилуиа.

(Трижды)

Старший (читает стих):

Господь с небесе на землю призре.

Братия:

Аллилуиа.

(Трижды)

Старший:

От Иоанна святого Евангелия чтение.

Братия:

Слава Тебе Боже наш, слава Тебе.

Старший читает лицом к востоку:

В начале бе Слово, и Слово бе к Богу, и Бог бе Слово.

Сей бе искони к Богу:

Вся Тем быша, и без Него ничтоже бысть, еже бысть.

В Том живот бе, и живот бе свет человеком:

И свет во тме светится, и тма его не объят.

Бысть человек послан от Бога, имя ему Иоанн:

Сей прииде во свидетелство, да свидетелствует о Свете, да вси веру имут ему.

Не бе той свет, но да свидетелствует о Свете:

Бе Свет истинный, Иже просвещает всякаго человека грядущаго в мир:

В мире бе, и мир Тем бысть, и мир Его не позна:

Во своя прииде, и свои Его не прияша.

Елицы же прияша Его, даде им область чадом Божиим быти, верующим во имя Его,

Иже не от крове, ни от похоти плотския, ни от похоти мужеския, но от Бога родишася.

И Слово плоть бысть и вселися в ны, и видехом

*славу Его, славу яко Единороднаго от Отца, исполнь
благодати и истины.*

*Иоанн свидетельствует о Нем и воззва глагола: Сей
бе, Егоже рех, Иже по мне Грядый, предо мною
бысть, яко первее мене бе.*

*И от исполнения Его мы вси прияхом и благодать
воз благодать:*

*Яко закон Моисеом дан бысть, благодать (же) и
истина Иисус Христом бысть.*

Братия:

Слава Тебе Боже наш, слава Тебе.

Братия:

Слава Тебе, Господи, слава Тебе. -ПОКЛОН-

Братия:

Господи, помилуй.

(40 раз) – читается вместо сугубой ектеньи

Старший:

*Слава Отцу и Сыну и Святому Духу. И ныне и присно
и во веки веков.*

Братия:

Аминь.

Старший:

*Ненавидящих и обидящих нас прости, Господи
Человеколюбче.*

Благотворящим благосотвори.

Братиям и сродником нашим даруй яже ко спасению прошения и жизнь вечную.

В немощех сущия (имена) посети и исцеление даруй.

Яже в мори управи.

Путешествующим (имена) спутешествуй.

Служащим и милующим нас грехов оставление даруй.

Заповедовавших нам недостойным молитися о них (имена) помилуй по велицей Твоей милости.

Помяни, Господи, братий наших плененных и избави я от всякого обстояния.

Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную.

Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков.

Братия:

Аминь.

Братия:

Помяни нас, Господи, егда приидеши во Царствии Твоем. **-ПОКЛОН-**

Помяни нас, Владыко, егда приидеши во Царствии Твоем. **-ПОКЛОН-**

Помяни нас, Святой, егда приидеши во Царствии Твоем. **-ПОКЛОН-**

Старший:

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея. Приступите к Нему и просветитесь, и лица ваша не постыдятся. Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Старший:

Слава Отцу и Сыну и Святому Духу.

Старший:

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

Старший:

И ныне и присно и во веки веков.

Братия:

Аминь.

Братия:

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, Единосушна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Старший:

Ослаби, остави, прости Боже, прегрешения наша, вольная, и невольная, яже в слове и в деле, яже в

ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Братия:

Отче наш, Иже еси на небесах! Да святитится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избавь нас от лукавого.

Старший:

Господи, Иисусе Христе, Сыне Божий, помилуй нас.

Братия:

Аминь.

Также кондак:

Аще и во гроб снизшел еси, Безсмертне, но адову разрушил еси силу, и воскресл еси яко победитель, Христе Боже, женам мироносицам вещавый: радуйтеся, и Твоим апостолом мир даруяй, падшим подай воскресение.

Братия:

Господи, помилуй.

(12 раз) – читается вместо просительной ектеньи

Старший:

Слава Отцу и Сыну и Святому Духу. И ныне и присно
и во веки веков.

Братия:

Аминь.

Старший:

Всесвятая Троице, Единосущная Державо,
Нераздельное Царство, всех благих Вина, благоволи
же и о мне грешнем, утверди, вразуми сердце мое, и
всю мою отыми скверну, просвети мою мысль, да
выну славлю, пою, поклоняюсь и глаголю: Един
Свят, Един Господь, Иисус Христос, во славу Бога
Отца.

Братия:

Аминь.

Старший:

Верую, Господи, и исповедую, яко Ты еси воистину
Христос, Сын Бога Живаго, пришедый в мир
грешныя спасти, от них же первый есмь аз. Еще
верую, яко Сие есть самое Пречистое Тело Твое, и
Сия самая есть Честная Кровь Твоя. Молюся убо
Тебе: помилуй мя, и прости ми прегрешения моя,
вольная и невольная, яже словом, яже делом, яже
ведением и неведением; и сподоби мя неосужденно

причаститися Пречистых Твоих Таинств, во оставление грехов и в Жизнь Вечную.

Братия:

Аминь.

Старший:

Вечери Твоея Тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Братия:

Аминь.

Старший причащается сам и после этого причащает мирян запасными Святыми Дарами.

Причащая, старший говорит:

Причащается раб Божий (имя) Честнаго и Святаго Тела и Крове Господа и Бога и Спаса нашего Иисуса Христа, во оставление грехов своих и в Жизнь Вечную. Аминь.

Братия (во время причащения):

Тело Христово примите, Источника бессмертнаго вкусите.

После причащения поем:

Братия:

Христос воскрес из мертвых, смертью смерть поправ, и сущим во гробех живот даровав.

(12 раз)

Старший:

Слава Отцу и Сыну и Святому Духу. И ныне и присно и во веки веков.

Братия:

Аминь.

И старший говорит отпуст:

Христос воскресый из мертвых, смертью смерть поправый, и сущим во гробех живот даровавый, истинный Бог наш, молитвами Пречистыя Своея Матери, святого апостола Иоанна Богослова и всех святых, помилует и спасет нас, яко благ и человеколюбец.

Осеняя всех Крестом старший восклицает:

Христос воскрес!

Мы же отвечаем:

Воистину воскрес.

(Трижды)

Также поем конечное:

Христос воскрес из мертвых, смертью смерть

поправ, и сущим во гробех живот даровав.

(Трижды)

И заканчиваем:

И нам дарова живот вечный, покланяемся Его тридневному воскресению.